

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXXII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Qui fulmine Laurentiano decumbunt, non eodem omnes modo habent. Bellissimè valet, quem nostro iudicio minimè oportuit, nam & ego humani quippiam patior. Post eum qui non indignus est, Stephanus ædituus heri Ecclesiæ pro precibus & piis hominibus pro subsidiis recuperatæ valetudinis egit gratias. Golius etiam & D. Beutherus non pessimè habent: sed hic thoracem convulsam conqueritur, ille læsas pedum calces. Faber, quem maximè sanum oportuit, interdiu utcunque valet, noctu recurrunt alati sanè dolores: quod ego non semel *παύχιστον* cum ipso *δὲ* vidi. Familia nostra valet, & facimus officium mediocriter. Hæc apud Compatrem meum, Nicolaum Fabrum, quod gratiores vobis existimarem lituras, quam nullas meas. Joh. Carolus summi templi Diaconus uxorem duxisse fertur, non inconstante rumore, Pistoris ad insigne uvæ filiam. Valet in DOMINO, 17. Septembr. 1571.

Vester

Johannes Pappus.

LXXII.

Salutem in Domino.

EGO vero neque rescribo tibi, mi Philippe, neque ipse venio, ac ne venturus quidem sum ante Idus Octobris. Neque tamen diutius vel expectationem vestram, vel desiderium meum extraham, si ita DEO visum fuerit. *ὑπερηφανία* autem, quem tu pro tuo in in me amore Socraticum facis, aut Ethicum, veteor, ne quibusdam, si non Grammaticus, tamen Logicus videatur, hoc est, non opinione quidem mea, sed illorum iudicio verus. Sed malo tamen cum obrectatione *ἐν δόξῃ μὲν εἶναι*, quam sine invidia *ἀναδείξουσιν* existere; de quo coram ad satietatē usque, si tamen ut *ἀπάντων*, ita *ὅς προσφίλων ὁμιλίᾳ πλεονομή* est. Herus & hera salvi redierunt & incolumes, pro quo beneficio Domino *δὲ χάριστέον* debemus. Insanus ille, cui sani non sani sunt, reditu Heri deseruit, nec, ut per ejus absentiam, circumcurſitat. *ἡγὶ ἰ ἀνάσσει μάλα φαρὸς* hodie in Galliam profectus est. Agnetem nostram in matrimonium dedimus Rihelio Heilgensteinensi, quod si tibi mirum non erit, mirabor. Vale in Domino feliciter, Argenterato, Cal. Octobris, ann. Servatoris. 1571.

Tuus ex animo frater,

J. Pappus.

Er

Et postrid. Cal. h. e. hodie alia celebramus sponsalia, Joh. Fœneratoris adoptari ab Oeconomo Prædicatorum & cognata hujus Oeconomi. Hac de causa Mater & Soror se excusari volunt, quod per hunc nihil scripserint.



LXXIII.

Gratiam & pacem à Servatore Christo.

Propediem plura coram loquemur; nunc ut moram excusam, paucis hæc, humanissime mi Erasme. Hærendum enim adhuc mihi est duabus hæc hebdomadibus propter Heri & Ecclesiæ negotia. Velim etiam Theologorum vestrorum Censuram de Collatione, quam mittimus, hic apparere, priusquam ego discedo. Multi & varii libelli, quot jam multis non Nundinis, hoc Mercatu allati sunt, quorum bonam partem apud vos extare non dubito: de reliquis, si licebit per otium, commentabimur. Ut autem consceleratam quorundam malitiam videas, en quomodo Lutheranis factionum studiis distractis illudant. Authoris nomen enim est additum, ego ausim affirmare, ex Orco & Styge *à pius* hanc Logicam promanasse. Compescat te Deus Satan. Et hoc incendium è cathedra Lutheri nobis nascitur, quod præter Filium DEI nemo restinguet. Etiam veni Jhesu. Scripsi pauca quædam Dn. D. Simoni, ut tu videbaris velle, tamen si maluisssem ei nihil scribendo non molestus esse. Salutant te domestici, Weislandus, Mügius. Benè in DOMINO vale, Argentorato postrid. Calend Octobr. anno 1571.

Tuus ex animo frater

Johannes Pappus.

LXXIV.

S Quod salvus ad tuos redieris, cum tibi tum Ecclesiæ gratulor, maxime verò, quod domi pacata omnia inveneris. Domini beneficium est, cujus virtute repressa sunt inconsiderata perniciosaque molimina; idem donet, ut porro frui pace domestica possitis, inque publicam ædificationem studia omnia convertere. Satis enim & plus satis controversiarum foris est, quas ex æditis hæc præsertim nundinis hinc inde libellis licuit cognoscere, quæ quantos triumphos exhibeant hostibus res ipsa docet. Equidem si visum est Domino, sic nos cribrari, supplicibus votis invocari à piis omnibus debet, ut hosce tam graves paroxysmos ad sanitatem ipse convertat, &

impio-